



ЛИТИЯ

Священник: Благословен Бог наш, всегда, ныне и присно, и во веки веков.

Хор: Аминь.

Святой Боже, Святой крепкий, Святой бессмертный, помилуй нас *(трижды)*.

Чтец: Слава Отцу и Сыну и Святому Духу, и ныне и присно и во веки веков.

Аминь.

Пресвятая Троице, помилуй нас. Господи, очисти грехи наша. Владыко, прости беззакония наша. Святой, посети и исцели души наша Имене Твоего ради.

Господи, помилуй *(трижды)*.

Слава Отцу и Сыну и Святому Духу, и ныне и присно и во веки веков.

Аминь.

Отче наш! Иже еси на Небесех. Да святится Имя Твое. Да придет Царствие Твое. Да будет воля Твоя, яко на Небеси и на земли. Хлеб наш насущный даждь нам днесь. И остави нам долги наша, якоже и мы оставляем должником нашим. И не введи нас во искушение. Но избави нас от лукаваго.

Священник: Яко Твое есть Царство, и сила, и слава, Отца, и Сына, и Святаго Духа, ныне и присно, и во веки веков.

Хор: Аминь.

Тропари, глас 4-й:

Хор: Со духи праведных скончавшихся,/ души раб Твоих, Спасе, упокой,/ сохраняя их во блаженной жизни, яже у Тебе, Человеколюбче.

В покоищи Твоем, Господи,/ идеже вси святии Твои упокоеваются,/ упокой и души раб Твоих,/ яко Един еси Человеколюбец.

Слава Отцу и Сыну и Святому Духу:/ Ты еси Бог, сошедый во ад, и узы окончанных разрешивый,/ Сам и души раб Твоих упокой.

И ныне и присно и во веки веков. Аминь:/ Едина чистая и непорочная Дево, Бога без семени рождшая,// моли спастися душам их.

Заупокойная ектения

Диакон: Помилуй нас, Боже, по велицей милости Твоей, молимтися, услыши и помилуй.

Хор: Господи, помилуй *(трижды)*.

Диакон: Еще молимся о упокоении душ усопших рабов Божиих *(имена)*; и о еже проститися им всякому прегрешению, вольному же и невольному.

Хор: Господи, помилуй *(трижды)*.

Диакон: Яко да Господь Бог учинит души их, идеже праведнии упокоются.

Хор: Господи, помилуй *(трижды)*.

Диакон: Милости Божия, Царства Небеснаго, и оставления грехов их у Христа безсмертнаго Царя и Бога нашего просим.

Хор: Подай, Господи.

Диакон: Господу помолимся.

Хор: Господи, помилуй (40 раз).

Священник: Боже духов и всякия плоти, смерть поправый, и диавола упразднивый, и живот миру Твоему даровавый: Сам, Господи, упокой души усопших рабов Твоих (имена): в месте светле, в месте злачне, в месте покойне, отнюдуже отбеже болезнь, печаль и воздыхание: всякое согрешение, содеянное ими, словом, или делом, или помышлением, яко Благий Человеколюбец Бог прости. Яко несть человек, иже жив будет, и не согрешит: Ты бо един кроме греха, правда Твоя правда во веки, и слово Твое истина.

Яко Ты еси воскресение, и живот, и покой, усопших рабов Твоих (имена), Христе Боже наш; и Тебе славу возсылаем, со безначальным Твоим Отцем, и с Пресвятым и Благим и Животворящим Твоим Духом, ныне и присно, и во веки веков.

Хор: Аминь.

Священник: Слава Тебе, Христе Боже, упование наше, слава Тебе.

Хор: Слава Отцу и Сыну и Святому Духу и ныне и присно, и во веки веков. Аминь.

Господи, помилуй (трижды). Благослови.

Священник: Воскресый из мертвых Христос, истинный Бог наш, молитвами Пречистыя Своея Матере, святых славных и всехвальных Апостол, преподобных и Богоносных Отец наших, и всех святых, души от нас преставльшихся раб Своих (имена), в селениях праведных учинит, в недрах Авраама упокоит, и с праведными сопричтет, и нас помилует, яко Благ и Человеколюбец.

Хор: Аминь.

Священник: Вечная Ваша память,/ достоблаженнии отцы, братия и сестры наша,\ приснопоминаемии.

Хор: Вечная Ваша память,/ достоблаженнии отцы, братия и сестры наша,\ приснопоминаемии.

Священник: Вечная Ваша память,/ достоблаженнии отцы, братия и сестры наша,\ приснопоминаемии.

Хор: Вечная Ваша память,/ достоблаженнии отцы, братия и сестры наша,\ приснопоминаемии.

Священник: Вечная Ваша память,/ достоблаженнии отцы, братия и сестры наша,\ приснопоминаемии.

Хор: Вечная Ваша память,/ достоблаженнии отцы, братия и сестры наша,\ приснопоминаемии.

